

正德大名府志

地130.121

1274

部=126

天一閣藏明代方志選刊

大名府志

大名郡志序



作志有體不知其體而

徒事乎枝葉蔓衍之文

猶不作也况或以恩怨

為取舍撥詭怪為博洽

至有得之傳聞而輒意

人前序

揣心構以附會損益之

不失之諛則失之誣求

其繫政體關名教者顧

廼邈乎無所述焉若是

者果何取於志也哉所

以世之庸史往往不能

取信於人而其褒貶之
詞祇為後來者咲資耳
此古人之不欲盡信於
書也魏博自昔號稱華
劇在趙宋尤為控扼北
虜要衝其間碩材名宦

前序

累々相望而風物山川
要皆有足書者前此固
嘗有志然而褒貶未必
協乎輿情鋪張未必闡
于政教予恐後之人或
詆其諛而誣也委而棄

之世愈遠而事愈湮文
獻無復可徵矣竊用是
懼焉迺命校官陳滯梁
矩蒐采事類聘東明唐
尹錦纂輯之垂成而予
有廷尉之

召滁陽石君允升自侍
御史繼守于此慨然欲
挽今而推之於古首以
梓志為事夫垂典則昭
風勵郡守職也其事若
緩而實切其繁似輕而

實重所以儒者之政動
遵古法而世之知者或
寡矣石君其賢矣哉予
於茲志不獨喜予志之
成且將賀石君之政成
也於是乎書

前序

正德改元夏仲之吉

賜進士中憲大夫奉

勅巡撫京畿兼提督紫荆

等關仍提調操練都察

院右僉都御史關中韓

福書

大名府志凡例

一志目頗多使不以類相從未免淆雜無倫故各以摠志統之庶幾綱舉而目張之義也

一詩文有繫於紀述題咏者各附本題之下以便考究其無所附麗者則入文章志中若涉於釋老仙幻雖工不錄

一墓銘不附於陵墓之下者以立言之意在人不在墓也

志凡例

一宦蹟惟詳於去任而見任者雖有善政不敢登載蓋要終以定論史家之例然也

一進士之名復見於鄉榜登用之士有忠孝大節者再書於人物不以重複爲嫌者高其行侈其遇也

一志首疆域次山川次田賦次祠祀次公宇次官守次人物次登用次古蹟次文章蓋酌其事而爲之序也

一學校爲繫固重然亦公署類也別爲一志

似失之瑣列諸公字之首當亦不失其重
矣

一寺觀乃老釋之徒祀其師之所固不當塵
諸汗簡然誠有之豈得曲諱故附諸祠祀
之末尚異末者按籍而漸毀之亦衛道之
一端也

小難鎮

大名府疆域之圖

州縣

圖

新澤

黃河

大名府舊城

北抵臨清

元城縣

府城

大邑縣

西華縣

清豐縣

東明縣

長垣縣

滑縣

內黃縣

鳳凰山

濬縣

魏縣

段村鋪

回隆廟

三山

澤山

同山

新鎮

衛河

南接封丘



小灘鎮


元城縣治之圖

軍圖二



舊府治

堤



元城縣

府治

府學

察院

都察院

寺

縣學


廟

宮

漳河

衛河

艾家口



南樂縣疆域之圖

圖四


壇祀無

廟武真

壇北


廟嶽東

壇南



魏縣疆域之圖

五



邑厲壇


社稷壇

馬神廟
對音廟
二郎廟

魏公碑


山川壇

真武廟



內黃縣疆域之圖

圖七



濟縣疆域之圖

